

墨池編

申集





墨池編卷之十六

宋吳郡朱長文伯原纂

明青州李尚子蓋刻行

明四明薛晨子熙校注

寶藏之三

宋歐陽脩集古錄目序并跋

集古錄目序

物常聚於所好而常得於有力之彊有力而不好好  
之而無力雖近且易有不能致之象犀虎豹蠻夷山  
海殺人之獸然其齒角皮革可聚而有也玉出崑崙



流沙萬里之外經十餘譯乃至乎中國珠出南海常  
生深淵採者腰絙而入水形色非人往往不出則下  
飽鮫魚金礦于山鑿深而穴遠篝火餽糧而後進其  
崖崩窟塞則遂葬於其中者率常數十百人其遠且  
難而又多死禍常如此然而金玉珠璣世常兼聚而  
有也凡物好之而有力則無不至也湯盤孔鼎岐陽  
之鼓岱山鄒嶧會稽之刻石與夫漢魏以來聖君賢  
士桓碑彝器銘詩序記下至古文籀篆分隸諸家之  
字書皆三代以來至寶怪竒偉麗工妙可喜之物其  
去人不遠其取之無禍然而風霜兵火湮淪磨滅散

棄於山崖墟莽之間未嘗收拾者由世之好者少也  
幸而有好之者又其力或不足故僅得其一二而不  
能使其聚也夫力莫如好好莫如一予性顓而嗜古  
凡世人之所貪者皆無欲於其間故得一其所好於  
斯好之已篤則力雖未足猶能致之故上自周穆王  
已來下更秦漢隋唐五代外至四海九州名山大澤  
窮崖絕谷荒林破塚神僊鬼物詭怪所傳莫不皆有  
以爲集古錄以爲傳寫失真故因其石本軸而藏之  
有卷帙次第而無時世之先後蓋其取多而未已故  
隨其所得而錄之又以爲聚多而終必散乃撮其大



要別爲目錄因并載夫可與史傳正其闕謬者以傳  
後學庶益於多聞或譏予曰物多則其勢難聚聚又  
而無不散何必區區於是哉予對曰足吾所好玩而  
老焉可也象犀金玉之聚其能果不散乎予固未能  
以此而易彼也廬陵歐陽修撰

### 周穆王刻石

右周穆王刻石曰吉日癸巳在今贊皇縣壇山上壇  
山在縣南十三里穆天子傳云穆天子登贊皇以望  
臨城置壇此山遂以爲名癸巳誌其日也圖經所載  
如此而又別有四望山者云是穆王所登者據穆天

子傳但云登山不言刻石然字畫亦竒怪土人謂壇  
山爲馬蹀山以其子字形類也慶曆中宋尚書祁在  
鎮陽遣人於壇山摸此字而趙州守將武臣也遂命  
工鑿山取其字龕于州廨之壁聞者爲之嗟惜也治  
平甲辰秋分日書

### 周石鼓文

右石鼓文在岐陽石鼓初不見稱於前世至唐人始  
盛稱之而韋應物以爲周文王之鼓王宣王刻詩爾  
韓退之直以爲宣王之鼓在今鳳翔孔子廟中鼓有  
十先時散棄于野鄭餘慶置于廟而亡其一皇祐四



年向傳師求於民間得之十鼓乃足其文可見者四百六十五磨滅二字不可識者過半余所集錄文之古者莫先於此然其可疑者三四今世所有漢桓帝時碑往往尚在其距今未及千歲大書深刻而磨滅者十猶八九此鼓按太史公年表自宣王共和元年至今嘉祐八年實千有九百一十四年鼓文細而刻淺理豈得存此其可疑者一也其字古而有法其言與雅頌同文而詩書所傳之外三代文章真蹟在者惟此而已然自漢以來博古好竒之士皆畧而不道此其可疑者二也隋氏藏書最多其志所錄秦始皇

刻石婆羅門外國書皆有而獨無石鼓遺近錄遠不宜如此此其可疑者三也前世傳記所載古遠竒怪之事類多虛誕而難信况傳記不載不知韋韓二君何據而知為文宣之鼓也隋唐古今書籍粗備豈當時猶有所見而今不見之邪然退之好古不妄者余姑取以為信爾至於字畫亦非史籀不能作也

按石鼓宣

猷作原篇碑窪難搨成都楊弁菴疑上缺每行補二近見淮陰周蘭整親搨本字完原不待補

### 周韓城鼎銘

右原甫既得鼎韓城遺余以其銘而太常博士楊南仲能讀古文篆籀為余以今文寫之而闕其疑者原



甫在長安所得古奇器物數十種亦自爲先秦古器  
記原甫博學無所不通爲余釋其銘以今文而與南  
仲時有不同故并著二家所解以俟博識君子具之  
如左

甫陽蔡襄曰嘗觀石鼓文愛其古質物象形勢有遺  
思焉及得原甫鼎器銘又知古之篆字或多或省或  
移之左右上下惟其意之所欲然亦有工拙秦漢以  
來裁歸一體故古文所見者正此惜哉治平甲辰正  
月甫陽蔡襄書

周張仲器銘

右張仲器銘四其文皆同而轉注偏左右或異蓋  
古人用字如此爾嘉祐中原父在長安獲二古器於  
藍田形制皆同有蓋而上下有銘甚矣古人之爲慮  
遠也知夫物必有弊而百世之後埋沒零落幸其一  
在尚冀或傳爾不然何丁寧重複若此之煩也詩六  
月之卒章曰侯誰在矣張仲孝友蓋周宣王時人也  
距今實千九百餘年而二器始復出原甫藏其器余  
錄其文蓋仲與吾二人者相期於二千年之間可謂  
遠矣方仲之作斯器也豈必期吾二人者哉蓋久而  
必有相得者物之常理爾是以君子之於道不汲汲



而志常在於遠大也原甫在長安得古器數十作先秦古器記而張仲之器其銘文五十有一其可識者四十一具之如左其餘以竢博學君子

### 秦二世詔

右秦二世詔李斯篆天下之事固有出於不幸苟有可用於世不必皆聖賢之作也蚩尤作五兵紂作漆器不以二人之惡而廢萬世之利也小篆之法出於李斯斯之相秦焚棄典籍遂滅先王之法而至已之所作則爲萬世不朽之計何其愚哉按史記始皇帝行天下凡六刻石及二世立又刻詔書于其傍今皆

亡矣獨泰山頂上此詔僅存數十字耳今俗傳嶧山碑者史記不載其字特大不類泰山存者其本出於徐鉉又有別本出於夏竦家自唐封演已言嶧山碑非真而杜甫直謂棗木篆刻耳余友人江休復宦於奉符常自至泰山頂上視秦所刻石處云石頑不可鐫鑿不知當時何以刻也其四面皆石無草木而野火不及故能若此之久也然風雨所剝其存者僅此數十字而已休復字鄰幾

### 之杲山秦篆遺文

右秦篆遺文纔二十一字曰於久遠也如後嗣馬成



功盛德臣去疾御史大夫臣德其文與嶧山碑泰山刻石二世詔語同而字畫皆異惟泰山爲真李斯篆爾此遺者或云麻温故學士於登州海上得片木有此文豈杜甫所謂棗木篆刻肥失真者邪

東漢張平子墓銘

永和四年

右漢張平子墓銘世傳崔子玉撰并書按范曄漢書張衡傳贊云崔子玉謂衡數術窮天地制作侔造化此銘有之語則真子玉作也其刻石爲二本一在南陽一在向城天聖中有右班殿直趙球者知南陽縣事因治縣事署毀馬臺得一石有文驗之乃斯銘也

遂龕于廳事之壁其文至凡百君子而止其後半亡矣其在向城者今尚書屯田員外郎謝景初得其半於向城之野自凡百君子已上其前則亡矣今以二本相補續其文遂復完而闕其最後四字然則昔人爲二本者不爲無意矣唐天寶中有徐方回者別得二十一字乃趙球所得南陽石之亡者今不復見則又亡矣惜哉嘉祐八年歲在癸卯十月十八日書

晉樂毅論

永和四年

右晉樂毅論石在故高紳學士家紳死家人初不知惜好事者往往就閱或模傳其本其家遂秘藏之漸



爲難得後其子弟以其石質錢於富人而富人家失火遂焚其石今無復有本矣益爲可惜也後有甚妙二字吾亡友聖俞書也論與又選所載時時不同攷其文理此本爲是惜其不完也

晉蘭亭脩禊序

永和九年

右蘭亭脩禊序世所傳本尤多而皆不同蓋唐數家所臨也其轉相傳模失真彌遠然時時猶有可喜處豈其筆法或得其一二邪想其真蹟宜如何也哉世言真本葬在昭陵唐末之亂昭陵爲溫韜所發其所藏書畫皆剔取其裝軸金玉而棄之於是魏晉以來

諸賢墨蹟遂復流落於人間太宗皇帝時購募所得集以爲十卷俾模傳之數以分賜近臣今公卿家所有法帖是也然獨蘭亭真本亡矣故不得列於法帖以傳今予所得皆人家舊所藏者雖筆畫不同聊並列之以見其各有所得至於真僞優劣覽者當自擇焉其前本流俗所傳不記其所得其二得於殿中丞王廣淵其三得於故相王沂公家又有別本在定州民家各自有石較其本纖毫不異故不復錄其四得於三司蔡給事君謨世所傳本不出乎此其或尚有所未傳更俟博采



晉黃庭經 永和十二年

右黃庭經二篇皆不著書人姓名余初得後本已愛其字不俗遂錄之既而又得前本於殿中丞裴造造好古君子也自言家藏此本數世矣與其藏于家不好古君子之集錄可以傳之不朽也余因以舊本較其優劣而並存之使覽者得以自擇焉世傳王羲之嘗寫黃庭經此豈其遺法歟

晉十八家法帖

右世傳十八帖者實二十五帖蓋書者實十八家爾而流俗又自有羲之十八帖然皆出於官法帖也太

宗皇帝時嘗遣使者天下購募前賢真蹟集以爲法帖十卷鏤板而藏之每有大臣進登二府者則賜以一本其後不賜或傳板本在御書院往時禁中火災板被焚遂不復賜或云板今在但不賜爾故人間尤以官法帖爲難得此十八家者蓋官法帖之尤精者也余得自薛公期云是家藏舊本頗真今世人所有皆轉相傳模者也

晉王獻之法帖 歲月未詳

右王獻之法帖余嘗喜覽魏晉以來筆墨遺蹟而想前人之高致也所謂法帖者其事率皆弔哀候病叙



睽離通訊問施於家人朋友之間不過數行而已蓋其初非用意而逸筆餘興淋漓揮灑或妍或醜百態橫生披卷發函爛然在目使人驟見驚絕徐而視之其意態愈無窮盡故使後世得之以爲竒翫而想見其人也至於高文大冊何嘗用此而今人不然至或棄百事弊精疲力以學書爲事業用此終老而窮年者是真可笑也治平甲辰秋社日書

晉賢法帖

右晉賢法帖太宗皇帝萬機之餘留神翰墨嘗詔天下購募鍾王真蹟集爲法帖十卷摸刻以賜群臣往

時故相劉公沆在長沙以官法帖鏤版遂布於人間後有尚書郎潘師旦者又擇其尤妙者別爲卷第與劉氏本並行至余集錄古文不敢輒以官本參入私集遂於師旦所傳又取其尤者散入錄中俾夫啓帙披卷者時一得之把翫欣然所以忘勸也

治平元年五月一日

梁智藏法師碑

普通三年

右梁智藏法師碑梁湘東王蕭繹撰銘新安太守蕭幾作叙尚書殿中郎蕭挹書世號三蕭碑法師姓顧幾挹皆稱弟子衰世之弊遂至於斯余集古錄而不忍遽棄者以其字畫粗佳捨短取長云爾

嘉祐八年五月晦日



梁瘞鶴銘

普通四年

右瘞鶴銘題云華陽真逸撰刻於焦山之足常為江水所沒好事者俟水落時摸拓而傳之往往祇得其數字云鶴壽不知其幾而已世以其難得尤以為奇惟余所得六百餘字獨為多也按潤州圖經以為王羲之書字亦奇持然不類羲之筆法而類顏魯公不知何人書也華陽真逸是顧况道號今不敢遂以為况者碑無年月不知何時疑前後有人同斯號者也

瘞鶴銘實普通四年陶弘景書疑王逸少顧况皆非也詳載東觀餘論晨每過京口恨不一見隆慶戊辰春留京口月餘愛金焦堆藍凝黛屹立江中日一登遊抱千古之慨詳詢瘞鶴銘在

二詔洞山足間崩裂墮江中手摹得四十字有占篆籀氣雖積筆成塚莫能得一結構之妙耳

陳僧智永千字文二跋

歲月未詳

右千字文今流俗多傳此本為浮屠智永書考其字畫時時有筆法不類者雜於其間疑其石有亡缺後人妄補足之雖識者覽之可以自擇然終汨其真遂去其二百六十五字其文既無所取而世復多有所佳者字爾故輒去其偽者不以文不足為嫌也蔡君謨今世知書者猶云未能盡去也

梁書言武帝得王羲之所書千字命周興嗣以韻次之今官法帖有漢章帝所書百餘字其言有海鹹河



淡之類蓋前世學書者多爲此語不獨始於義之也  
嘉祐八年十月十八日書

陳張慧湛墓誌

右陳張慧湛墓誌銘不著書撰人名氏陳隋之間字  
書之法極於精妙而文章頽壞至於鄙俚豈其時俗  
弊薄士遺其本而逐其末乎余家集錄所見頗多自  
開皇仁壽而後至唐高宗已前碑碣所刻往往不減  
歐虞而多不著名氏如鉗耳君清德頌或有名而其  
人不顯如丁道護之類不可勝數也慧湛陳人至唐  
太宗時始改葬爾其銘刻字畫適勁有法翫之忘倦  
惜乎不知爲何人書也治平元年四月晦日書

後漢豪長蔡君頌碑

光利四年

右漢豪長蔡君頌碑在鎮府故天章閣待制楊旼嘗  
爲余言漢時隸書在者此爲最佳旼自言平生惟學  
此字余不甚識隸書因旼言遽遣人之常山求得之  
遂入于錄

後漢秦君碑首

熹平中

右漢秦君碑首題云漢故南陽太守秦君之碑秦君  
不知爲何人碑在南陽界中字已磨滅不可識獨其  
碑首字大僅存其筆畫頗竒偉蔡君謨甚愛之



後漢殘碑

歲月未詳

右漢殘碑不知爲何人所存者纔三十二字不復成文惟云高字幼知其名高又云漢中興復知其爲後漢時人而隸字在者甚完體質淳勁非漢人莫能爲也故錄之

後魏神龜造碑像記

正光元年

右神龜造碑像記魏神龜三年立余所集錄自隋以前碑誌皆未嘗輒棄者以其時有所取於其間也然患其文辭鄙淺又多言浮屠然獨其字畫往往工妙惟後魏北齊差劣而又字法多異不知其何從而得

之遂與諸家相戾亦意其夷狄昧於學問而所傳訛謬爾然錄之以資廣覽也此碑字畫時時適勁尤可佳也神龜孝明年號按魏書神龜三年七月辛卯改元正光而此碑是月十五日立不知辛卯是其月何日也當俟治曆者推之嘉祐八年七月十一日書

後魏魯孔子廟碑

興和三年

右魯孔子廟碑後魏北齊時書多若此筆畫不甚佳然亦不俗而往往相類疑其一時所傳當自有法又其點畫多異故錄之以備廣覽

唐孔子廟堂碑

武德九年



右孔子廟堂碑虞世南撰并書予爲童兒時嘗得此碑以學書當時刻畫完好後二十餘年復得斯本則殘缺如此因感夫物之終弊雖金石之堅不能以自久於是始欲集錄前世之遺文而藏之殆今蓋十有八年而得千卷可謂富哉

隋蒙州普光寺碑 仁壽元年

右蒙州普光寺碑蒙州者漢南陽郡之育陽縣也應劭曰育水出弘農盧氏南入于沔故後人於育加水爲滎陽西魏置蒙州隋仁壽中改爲滎州又爲滎陽郡唐爲縣屬金州碑仁壽元年建猶曰蒙州旣而遂

改滎州矣碑無書撰人名氏而筆畫適美翫之忘倦蓋開皇仁壽以來碑碣字書多妙而往往不著名氏惟丁道護所書常自著之然碑石在者尤少余每與蔡君謨惜之自大業已後率更與虞世南書始盛旣接於唐遂大顯矣治平元年正月七日書

隋丁道護啓法寺碑 仁壽二年

右啓法寺碑丁道護書蔡君謨云此書兼後魏遺法與楊家本微異隋唐之交善書者衆皆出一法道護所得最多楊本開皇六年去此十七年書當益老亦稍縱也蔡君謨博學君子也於書尤稱精鑒予所藏



書未有不更其品目者其謂道護所書如此隋之晚年書學尤盛吾家率更與虞世南皆當時人也後顯於唐遂爲絕筆余所集錄開皇仁壽大業時碑頗多其筆畫率皆精勁而往往不著名氏每執卷惘然爲之嘆息惟道護能自著之然碑刻在者尤少余家集錄千卷止有此爾有太學官楊褒者喜收書獨得其所書興國寺碑是梁正明中人所藏君謨所謂楊家本者是也欲求其本而不知碑所在然不難得則不足爲佳物古人亦云百不爲多一不爲少者正謂此也治平元年立春後一日太廟齋宮書

唐九成宮醴泉銘

貞觀六年

右九成宮醴泉銘唐秘書監魏徵撰歐陽率更書九成宮卽隋仁壽宮也太宗避暑於宮中而乏水以杖琢地得水而甘因名醴泉焉

唐龍興宮碧落碑

咸亨元年

右碧落碑在絳州龍興宮宮有碧落尊像篆文刻其背故世傳爲碧落碑據李璿之以爲陳惟玉書李漢以爲黃公譔書莫知孰是洛中紀異云碑文成而未刻有二道士來請刻之閉戶三日不聞人聲人怪而破戶有二白鴿飛去而篆刻宛然此說尤怪世多不



信也碑文言有唐五十三祀龍集敦睦乃高宗總章三年歲在庚午也又云哀子李訓誼譔謀爲妣妃造石像按唐書韓王元嘉有子訓誼譔而無謀又有幼子訥元嘉以則天垂拱四年見殺在總章三年立後十八年有子訥不足怪而不應無謀蓋史官之闕也嘉祐八年十月四日書

唐崔敬嗣碑

景龍二年

右唐崔敬嗣碑胡皓撰郭謙光書崔氏爲唐名族而敬嗣不顯皓爲昭文館學士然亦無聞其事實文辭皆不足多采而余錄之者以謙光書也其字畫筆法不減韓蔡李史四家而名獨不著此余屢以爲歎也治平元年七月三十日書

唐有道先生葉公碑

開元五年

右有道先生葉公碑李邕撰并書余集古所錄李邕書頗多最後得此碑於蔡君謨君謨善論書爲余言邕之所書此最爲佳也

唐西嶽大洞張尊師碑

開元十四年

右西嶽大洞張尊師碑王延齡撰李慈書尊師名敬忠其事迹余無所取所錄者以慈書爾慈之書兼虞褚而適麗可喜然不知爲何人以其書當時未必不



見稱於世蓋唐人善書者多遂不得獨擅既又無他  
可稱遂至泯然於後世以余集錄之博慈所書碑祇  
得此爾尤為可惜也治平元年七月廿日書

唐蔡有鄰盧舍那珉像碑

開元十六年

右盧舍那珉像碑蔡有鄰書在定州唐世名能八分  
者四家韓擇木史惟則世傳而李潮及有鄰時為難  
得慶曆中今昭文韓公在定州為予得此本予所集  
錄自非衆君子共成之不能若此之多也

唐裴大智碑

開元二十九年

右裴大智碑李邕撰蕭誠書誠以書知名當時今碑

刻傳於世者頗少余集錄所得纔數本爾以余之博  
采而得者止此故知其不多也然字畫筆法多不同  
疑摸刻之有工拙惟此碑及獨孤冊碑字體同而最  
佳冊碑在襄陽而不完可惜也二碑皆李邕撰而誠  
書治平元年清明後一日書

唐安公美政頌

開元二十九年

右安公美政頌房璘妻高氏書安公者名庭堅其事  
蹟非竒而文辭亦匪佳作惟其筆畫迥麗不類婦人  
所書余所集錄亦已博矣而婦人之筆著於金石者  
高氏一人而已然余常與蔡君謨論書以謂書之盛



莫盛於唐書之廢莫廢於今余之所錄如于頔高駢  
下至陳游瓌等書皆有蓋唐之武夫悍將暨楷書手  
輩字皆可愛今文儒之盛其書屈指可數者無三四  
人非皆不能蓋忽不爲爾唐人書見於今而名不知  
於當時者如張師丘繆師愈之類蓋又不可勝數也  
非余錄之則將遂泯然於後世矣余於集古不爲無  
益也夫治平元年正月十三日書

唐石壁寺鐵彌勒像頌

開元二十九年

右太原府交城縣石壁寺鐵彌勒像頌者林鶻撰叅  
軍房璘妻高氏書余所集錄古文自周秦以下訖于

顯德凡爲千卷唐居其十七八其名臣顯達下至山  
林幽隱之士所書莫不皆有而婦人之書唯此高氏  
一人爾然其所書刻石存于今者惟此頌與安公美  
政頌爾二碑筆畫字體遠不相類殆非一人之書疑  
摸刻不同亦不應相遠如此又疑好事者寓名以爲  
竒也識者當爲辨之治平元年端午日書

唐美原夫子廟碑

天寶八年

右美原夫子廟碑縣令王崑字山甫撰并書碑不知  
在何縣崑天寶時人字畫竒怪初無筆法而老逸不  
羈時有可愛故不忍棄之蓋書流之狂士也文字之



學傳自三代以來其體隨時變易轉相祖習遂以名家亦烏有定法邪至魏晉以後漸分真草而羲獻父子爲一時所尚後世言書者非此二人則皆不爲法其藝誠爲精絕然謂必爲法則初何所據所謂天下孰知夫正法哉啻書固自放於怪逸矣聊存之以備博覽治平元年八月十一日書

唐鄭預注多心經 天寶九年

右鄭預注多心經不著書人名氏疑預自書蓋開元天寶之間書體類此者數家如擣練石韓公并記洛祠志皆一體而皆不見名氏此經字體不減二記而

汪尤精勁蓋他處未嘗有故錄之而不忍棄矧釋氏之書因字而見錄者多矣余每著其所以錄之之意覽者可以察也治平元年夏至日大熱翫此以忘暑

因書

唐龍興寺七祖堂頌 天寶十年

右龍興寺七祖堂頌陳章甫撰胡霈然書霈然筆法雖未至而媚熟可喜今上黨佛寺畫壁有霈然所書多爲流俗取去匣而藏之以爲奇翫余數數於人家見之其墨蹟尤工非石刻比也

唐徐浩玄隱塔銘 天寶十一年



右玄隱塔銘徐浩撰并書嗚呼物有幸不幸者視其所託與其所遭如何爾詩書遭秦不免煨燼而浮屠老子以託於字畫之善遂見珍藏余於集錄屢誌此言蓋慮後世以余爲惑於邪說者也比見當世知名士方少壯時力排異說及老病畏死則歸心釋老反恨得之晚者徃徃如此也可勝歎哉

福州永泰縣無名篆

歲月闕

右無名篆在福州永泰縣觀音院後山上世俗多傳以爲仙篆太常博士黃孝立閩人也嘗爲余言其山無名而甚高峻石皆頑無復鐫刻之迹如人以手指畫泥而成文文隨圓石之形環布之如車輪循環莫知其首尾又言孝立嘗至廣州見南蕃人以夷法事天日夕焚香拜金書字號爲天篆者正類此然不能曉也今人亦有以道家之言譯之者曰勤道守三一中有不死術亦莫知其是非也

唐顏真卿帖

大曆中

右蔡明遠帖寒食帖附皆顏魯公書魯公後帖流俗多傳謂之寒食帖其印文曰忠孝之家者錢文僖公自號也希聖錢公字也又曰化鶴之系者丁崔相印也潤州觀察使者錢惟濟也



唐顏真卿書殘碑 大曆十三年

予謂顏公書如忠臣烈士道德君子其端嚴尊重人初見而畏之然愈久而愈可愛也其見寶于世者不必多然雖多而不厭也故雖其殘缺不忍棄之

唐顏真卿麻姑仙壇記 大曆六年

右麻姑壇記顏真卿撰并書顏公忠義之節皎如日月其爲人尊嚴剛勁象其筆畫而不免惑於神仙之說釋老之爲斯民患也深矣

唐顏真卿小字麻姑仙壇記 大曆十年

右小字麻姑壇記顏真卿撰并書或疑非魯公書魯

公喜書大字余家所藏顏氏碑最多未嘗有小字者惟干祿字書注最爲小字而其體法與此記不同蓋干祿之注持重舒和而不局蹙此記迥峻緊結尤爲精悍此所以或者疑之也余初亦頗以爲惑及把翫久之筆畫巨細皆有法愈看愈佳然後知非魯公不能書也故聊誌之以釋疑者治平元年二月六日書

唐顏真卿射堂記 大曆十二年

右射堂記顏真卿書魯公在湖州所書刻于石者余家集錄多得之惟放生池碑字畫完好如干祿字書之類今已殘闕每爲之歎惜若射堂記者最後得之



今僕射相公筆法精妙爲余稱顏氏書射堂記最佳  
遂以此本遺余以余家素所藏諸書較之惟張敬因  
碑與斯記爲尤精勁惜其皆殘闕也

唐顏真卿書于祿字樣模本 大曆元年

右于祿字樣模本顏真卿書楊漢公模真卿所書乃  
大曆九年刻石至開成中遽已訛缺漢公以謂工人  
用爲衣食之業故模多而速損者非也蓋公筆法爲  
世楷模而字書辨正譌謬尤爲學者所資故當時盛  
傳於世所以模多爾豈止工人爲衣食業邪今世人  
所傳乃漢公模本而大曆真本以不完遂不復傳若  
顏公真蹟今世在者得其零落之餘藏之足以爲寶  
豈問其完不完也故余并錄二本並藏之亦欲俾覽  
者知模本之多失真也

唐玄靜先生碑 大曆七年

右玄靜先生碑柳識撰張從申書李陽冰篆額唐世  
工書之士多故以書知名者難自非有以過人者不  
能也然而張從申以書得名於當時者何也從申每  
所書碑李陽冰多爲之篆額時人必稱爲二絕其爲  
世所重如此余以集錄古文閱書旣多故雖不能書  
而稱識字法從申所書棄者多矣而時錄其一二者



以名取之也夫非衆人之所稱任獨見以自信君子於是慎之故特錄之以待知者

唐滑州新驛記 大曆九年

右新驛記李陽冰篆碑在今滑州驛中其陰有銘曰斯去千載冰生唐時冰今又去後來者誰後千年有人吾不知之後千年無人當盡於斯嗚呼郡人爲吾寶之不知作者爲誰然賈耽嘗爲李騰序說文字源盛稱陽冰此記就爲滑州刺史因見斯記而稱之耳陽冰所書世固多有可愛者不獨斯記也嘉祐八年十二月二十六日書

唐杜濟墓誌銘 大曆十二年

右杜濟墓誌銘但云顏真卿撰而不云書然其筆法非魯公不能爲也蓋世頗以爲非顏氏書更俟識者辨之

唐杜濟神道碑 大曆十二年

右杜濟神道碑顏真卿撰并書藝之至者如庖丁之刀輪扁之斲無不中也顏魯公之書刻於石者多矣而有精有粗雖他人皆莫可及然在其一家自有優劣余意傳模鐫刻之有工拙也而此碑字畫適勁豈傳刻不失其真者皆若是歟碑已殘缺銓次不能成



文第錄其字法爾嘉祐八年中元假日書

唐僧懷素法帖 大曆十二年

右懷素唐僧字藏真特以草書擅名當時而尤見珍於今世予嘗謂法帖者乃魏晉時人施於家人朋友其逸筆餘興初非用意而自然可喜後人乃棄百事而以學書為事業至終老而窮年疲弊精神而不以為苦者是真可笑也懷素之徒是矣治平元年八月八日書

唐興唐寺石經藏讚 興元中

右興唐寺石經藏讚皆其作者自書而八分者數家

惟蔡有鄰著其姓氏有鄰名重當時杜甫嘗稱之於詩其為阮咸所書小字與三代器銘何異可謂名實相稱也余家集錄有鄰書頗多皆不若此讚故尤寶之余初不識書因集古著錄所閱既多遂稍識之然則人其可不勉強於學也治平元年三月晦日書

唐辨正禪師塔院記 貞元中

右辨正禪師塔院記徐峴書誠能行筆而少意思也往時石曼卿屢稱峴書曼卿多得顏柳筆其書與峴不類而遠過之不知何故喜峴書也余當曼卿在時猶未見峴書但聞其所稱曼卿歿已久始得此書遂



錄之爾

唐虞城李令去思頌 元和四年

右虞城李令去思頌李白撰文王道篆唐世以書白  
名者多而小篆之學不數家自陽冰獨擅後無繼者  
其前惟有碧落碑而不見各氏道開元天寶時人在  
陽冰前而相去不遠然當時不甚知名雖字畫不爲  
工而一時未有及者所書篆字惟有此爾世亦罕傳  
余以集錄求之勤且博僅得此爾今世以小篆名家  
如那不疑楊南仲章友直問之皆云未嘗見也治平  
元年二月七日書

唐陽公舊隱碣 元和中

右陽公舊隱碣胡証撰黎煇書李靈省篆額唐世篆  
法自李陽冰後寂然未有顯於當時而能自名家者  
靈省所書陽公碣筆畫甚可佳既不顯聞於時亦不  
見於他處以余家所藏之博而見於錄者惟此雖未  
爲絕筆亦可惜哉嗚呼士有負其能而不爲人所知  
者可勝道哉

唐辨石鍾山記 太和元年

右辨石鍾山記并善權寺詩遊靈巖記附覽三子之  
文皆有幽人之思迹其風尚想見其人至於書畫亦



皆可喜蓋自唐以前賢傑之士莫不工於字書其殘  
篇斷藁爲世所寶傳於今者何可勝數彼其事業超  
然高爽不當留精於此小藝豈其習俗承流家爲常  
事抑學者猶有師法而後世媮薄漸趨苟簡久而遂  
至於廢絕歟今士大夫務以遠自高忽書爲不足學  
往往僅能執筆而間有以書自名者世亦不甚知爲  
貴也至於荒林敗塚時得埋沒之餘皆前世碌碌無  
名子然其筆畫有法往往今人不及茲甚可歎也石  
鍾山記字畫在二者間頗爲劣而亦不爲俗態皆忘  
憂之佳翫也

唐高重碑

會昌四年

右高重碑元裕撰柳公權書唐世碑刻顏柳二公書  
尤多而字體筆畫往往不同雖其意趣或出於臨時  
而亦繫於模勒之工拙然其大法則常在也此碑字  
畫鋒力俱完故特爲佳矧其墨蹟想宜如何也治平  
元年正月二十五日書

唐于僧翰尊勝經

咸通五年

右尊勝經于僧翰書僧翰筆畫雖遒勁然失分隸之  
法遠矣所以錄者亦自成一家而爲流俗所貴故聊  
著之庶知博采之不遺爾



唐鄭澣陰符經序

開成二年

右陰符經序鄭澣撰柳公權書唐世碑碣顏柳二家書最多而筆法往往不同雖其意趣或出於臨時而模勒鐫刻亦有工拙公權書高重碑余特愛模者不失其真而鋒鋇皆在至陰符經序則蔡君謨以爲柳書之最精者云善藏筆鋒與余之說正相反然君謨書檀當世其論必精故爲誌之治平元年二月六日書

小字法帖

歲月未詳

右小字法帖者近時有尚書郎潘師旦者以官法帖

私自模刻於家爲別本以行于世余因分以爲類散入集錄諸秩而程邈衛夫人鍾繇王廙宋儋皆以小字爲一類於此余嘗辨鍾繇賀捷表爲非真而此帖字畫筆法皆不同傳摸不能不失本體以此真僞尤爲難辨也治平元年七月三十日書

唐歐陽詢臨帖

歲月未詳

右率更臨帖吾家率更蘭臺世有清德其筆法精妙乃其餘事豈止士人模楷雖海外夷狄皆知爲貴而後裔所宜勉旃庶幾不殞其美也

唐湖州石記

歲月闕



右湖州石記文字殘缺其存者僅可識讀考其所記不可詳也惟其筆畫竒偉非顏魯公不能書也公忠義之節明若日月而堅若金石自可以光後世傳無窮不待其書然後不朽然公所至必有遺蹟故今處處有之唐人筆蹟見於今者惟公爲最多視其鉅書深刻或托於山崖其用意未嘗不爲無窮計也蓋亦有趣好所樂爾其在湖州所書爲世所傳者惟干祿字放生池碑尚多見於人家而干祿字書乃楊漢公摹本其真本以訛缺遂不復傳獨余集錄有之惟好古之士知前人用意之深則其堙沉磨滅之餘尤爲可惜者也

唐重摹吳季子墓銘 歲月闕

右吳季子墓銘自前世相傳以爲孔子所書據張從紳記云舊石堙滅開元中玄宗命殷仲容模搨其書以傳然則開元之前已有本矣至大曆中蕭定又刊于石則轉相傳模失其真遠矣按孔子平生未嘗至吳以史記世家考之其歷聘諸侯南不踰楚推其歲月蹤跡未嘗過吳不得親銘季子之墓又其字特大非古簡牘所容第以其名傳之久不可遽廢故錄之以俟博識君子



唐人臨帖 歲月未詳

右唐人所臨諸家法帖一卷其前數帖類真卿所書蓋其筆畫精勁他人未易臻此按唐書言褚無量嘗請以當時所藏竒書名畫命宰相以下跋尾而玄宗不許此乃有宋璟等列名于後又頗有訛謬豈後人妄增加之也然要為可觀何必窮較其真偽今流俗所傳鍾王遺迹多不同然時時各有所得故雖小小轉寫失真不害為佳物由是悉取前後所得諸家法帖分入集錄蓋以資博覽云

唐遺教經 歲月未詳

右遺教經相傳云羲之書偽也蓋唐氏寫經手所書爾唐時佛書今存者大抵書體皆類此第其精粗不同爾近有得唐人所書經題其一云薛稷一云僧行敦書者皆與二人他所書不類而與此頗同即知寫經手所書也然其字亦可愛故錄之蓋今世士大夫筆畫能髣髴乎此者鮮矣

唐流盃亭侍宴詩 又視元年

右流盃亭侍宴詩者唐武后又視元年幸臨汝陽留宴羣臣應制詩也李嶠序殷仲容書開元十年汝水壞亭碑遂沉廢至正元中刺史陸長源以為嶠之文



仲容之書絕代之寶也乃復立碑造亭又自爲記刻其碑陰武氏亂唐毒流天下其遺蹟宜爲唐人所棄而長源當時號稱賢者乃獨區區於此何哉然予今又錄之蓋亦以仲容之書可惜是以君子患乎多愛

唐獨孤府君碑

歲月闕

右獨孤府君碑李邕撰蕭誠書碑在峴山亭下余自夷陵徙乾德令常登峴山讀此碑爲四面而一面字完人家多有之而余所得蓋二面也故其一面頗有訛缺也蕭誠書世數數有之而此尤佳者也

五代楊凝式題名

建中四年

右楊凝式題名并李西臺詩附自唐亡道喪四海困於兵戈及聖宋興天下復歸于治蓋百有五十餘年而五代之際有楊少師建隆以後稱李西臺二人者筆法不同而書名皆爲一時之絕故並錄于此

五代王秉文小篆千字文

天福六年

右小篆千字文者江南人王文秉書其後題云大唐庚申歲者建隆元年也僞唐李煜自周師取淮南書江爲界以稱臣遂削去年號奉周正朔然世宗特許其稱帝故文秉猶稱唐而不書年號直書庚申歲也文秉在江南篆書遠過徐鉉而鉉以文學名重當時



文秉人罕知者學者皆云鉉筆雖未工而有字學一點一畫皆有法也文秉所書獨余集錄屢得之此本得於太學楊南仲紫陽石磬銘者張獻撰亦文秉書也

五代郭忠恕小字說文字源

歲月未詳

右小字說文字源郭忠恕書忠恕者五代漢周之際爲湘陰公從事及爭皇朝其事見實錄頗竒怪世人但知有小篆而不知其楷法尤精然其楷字亦不見刻石者蓋惟有此耳故尤可惜也五代干戈之際學校廢是謂君子道消之時然猶有如忠恕者國家爲

國百年天下無事儒學盛矣獨於字書忽廢幾於中絕今求如忠恕小楷不可得也故予每與君謨歎息於此也石在徐州嘉祐八年十二月二十一日書

五代郭忠恕書陰符經

歲月未詳

右陰符經郭忠恕書篆法自唐李陽冰後未有臻於斯者近時頗有學者曾未得其髣髴也實錄言忠恕死時甚怪豈亦異人乎其楷書尤精也嘉祐六年九月十五日宴後歇泊暇偶覽因題

南唐徐鉉雙溪院記

歲月闕

右雙溪院記徐鉉書鉉與其弟錯皆能八分小篆而



筆法頗少力其在江南皆以文翰知名號二徐爲學者所宗蓋五代干戈之亂儒學道喪而二君能自奮然爲當時名臣而中國旣苦於兵四方僭僞割裂皆徧迫擾攘不暇獨江南粗有文物而二君者優游其間及宋興違命侯來朝二徐得爲王臣中朝人士皆傾慕其風采蓋亦有以過人者故特錄其書爾若小篆則與鉉同時有王文秉者其筆甚精勁然其人無足稱也治平元年上元日書

朱長文曰求叔於慶曆嘉祐間爲天下儒宗歷諫垣外內制力足以充其所好故多所裒集余常恨不得游目於其間雖好與之並而力輒如毛不足以取若窮者之思珍膳終莫致焉集古跋固多不能全錄取其議論及書者錄之

墨池編卷之十六



墨池編卷之十七

宋吳郡朱長文伯原纂

明青州李荀子蓋刻行

明四明薛晨子熙校注

碑刻之一

周碑四

○周封比干銅槃銘 古篆十六字右林左泉後岡前道萬世之寧茲馬是寶在汲縣

○周壇山石刻 周穆王時史籀篆吉日癸巳四字舊在贊皇壇山今鑿石龕於趙州署壁

○周石鼓文 石鼓凡十宣王時史籀篆舊在鳳翔府麟遊縣今移北京國子監先師廟儀門

○周張仲器銘 在宋嘉祐中翰林學士劉原甫家藏



秦碑九

○秦昭和鐘銘按史記云景公撰銘曰秦公曰丕顯朕皇祖受天命奄有下國十有二公

○秦泰山碑李斯篆按史記云始皇帝二十六年行於其旁今皆亡矣獨泰山

頂上詔書僅存數十字爾

○秦嶧山碑李斯篆秦始皇帝東巡羣臣頌德之辭至二世時始刻此碑於嶧縣

○秦丞相李斯請刻始皇詔書五十字

○秦二世詔書在泰山頂上

○秦皇胸山碑李斯篆

○秦朝那秋碑文在平原縣

○秦之梁山遺文二十一字

○秦祀巫咸神文在鳳翔府一作秦誓詛楚文

漢碑九十

○前漢二器銘五鳳二年造一曰林華宮行鐙銘一曰蓮勺宮銅博山爐下槃銘

○前漢谷口銅甬銘甘露元年

○前漢馬足鐙銘黃龍元年

○後漢俞鄉侯季子碑建武中諱熊乃光武皇帝之玄廣陵王之孫也

○後漢公昉碑一作仙人唐君碑

○後漢文翁學生題名凡一百六人

○後漢麟鳳贊并記永建元年

○後漢袁良碑永建六年



○後漢三老表貢碑永建六年

○後漢郭君輔先生碑永和四年

○後漢費鳳碑漢安二年

○後漢北海相景君銘碑漢安二年

○後漢元節碑名立字元節疑姓伊

○後漢武班碑建和元年

○後漢中常侍曹騰碑建和元年

○後漢司隸楊君厥碑建和二年

○後漢張公廟碑和平元年

○後漢天祿辟邪字四字在宗資墓前石獸膊上今墓在鄧州南陽界中前有二石

獸文在膊上一曰天祿一曰辟邪宗資乃南陽安衆人也

○後漢殘碑三十二字不知姓名惟見碑中隸字三十二甚完體質淳勁故錄之

○後漢祝長嚴訢記元嘉元年

○後漢平都侯相蔣君碑元嘉元年

○後漢魯相瑛置孔廟卒史碑元嘉元年司徒吳雄司空趙戒請置百石

卒史典主守廟

○後漢孔德讓碑永興二年宣聖二十世孫

○後漢韓明府修孔子廟器碑永壽二年明府者名敕字叔節

○後漢吉成侯妙輔碑永壽二年

○後漢朔方太守碑陰永壽二年



後漢樊常侍碑 永壽四年名安南陽湖陽人

後漢丹陽太守郭旻碑 延熹元年

後漢郎中鄭君固碑 延熹元年一作宣

後漢田君碑 延熹二年

後漢楚孫叔敖碑 延熹三年固始令有碑陰在光州

後漢泰山都尉孔君宙碑 延熹四年

後漢孔宙碑陰題名 宣聖十九代孫當時公卿士大夫弟子門生故吏故民凡

一百二十四人

後漢冀州刺史王純碑 延熹四年

後漢王元賞碑 延熹四年

後漢成臯令任伯嗣碑 延熹五年

後漢桐栢碑 延熹六年

後漢祝睦碑 延熹七年

後漢山陽太守祝睦後碑 延熹七年

後漢老子銘 延熹八年

後漢高祖感應碑 延熹十年

後漢堯祠祈雨碑 延熹十年

後漢車騎將軍馮緄碑 永康元年

後漢竹邑侯相張壽碑 建寧元年

後漢冀州從事張表碑 建寧元年



○後漢沛相楊君震碑建寧元年

○後漢楊公震使傳記建寧二年

○後漢金鄉守長侯君碑建寧二年

○後漢楊君震碑陰題名此碑刻畫完具而筆尤精妙

○後漢大尉楊君震神道碑云聖漢龍興神祇降祉乃生于公又云司徒太

尉立朝正色恪勤竭忠

○後漢魯相晨等祀孔子廟碑建寧二年

○後漢衛尉卿衡方碑建寧二年

○後漢孔君碑建寧四年宣聖十九代孫潁川君之元子也

○後漢慎令劉君墓碑建寧四年

○後漢北軍中侯郭君碑建寧四年

○後漢成陽靈臺碑建寧五年

○後漢折里橋郵閣銘建寧五年

○後漢司隸校尉魯峻碑喜平元年蔡邕書在濟州

○後漢故民吳公碑熹平元年

○後漢南陽太守秦君碑熹平中在南陽界中

○後漢桂陽太守周府君勲德碑熹平二年

○後漢繁陽令楊君著碑熹平中著即震孫

○後漢高陽令楊君尋碑熹平中尋即震孫

○後漢玄儒婁君壽先生碑熹平三年



○後漢堂谿典高山石關碑熹平四年

○後漢堯母祠碑熹平四年

○後漢中郎王政碑光和元年

○後漢太尉陳球碑光和元年蔡邕撰并隸

○後漢樊毅修華嶽廟碑光和二年

○後漢修西嶽廟復民賦碑光和二年

○後漢北嶽碑光和四年云珪幣牲酒黍稷豐穰後

甘陵夏方字伯陽

○後漢安平王相孫振墓碑光和四年

○後漢藁長蔡湛碑有碑陰光和四年

○後漢敬仲碑光和四年疑姓田氏

○後漢逢童子碑光和四年

○後漢殺阬君神祠碑陰光和四年在華州鄭縣

○後漢無名碑光和四年碑云奮乾剛之嚴威揚孝虎之武節今見州郡

○後漢元氏縣祠三公封龍等山碑光和四年

○後漢唐君碑有碑陰和平六年

○後漢幽州刺史朱龜碑光和六年

○後漢無極山神廟碑和平六年

○後漢司隸從事郭君究碑中平元年

○後漢太尉劉寬碑中平二年并碑陰姓名門生故吏各一碑



後漢太尉劉寬碑陰題名 中平二年

後漢小黃門譙君敏碑 中平二年當時稱述云肅將王命守靜韜光以遠晦

已答而

後漢都卿正衛彈頌 中平二年

後漢劉曜井陰碑 中平二年在鄆州

後漢大司農陳君碑 中平四年

後漢圉令趙君碑 初平元年

後漢周公禮殿石楹記 初平五年

後漢文翁石柱記 興平元年

後漢巴郡太守樊君碑 建安十年

後漢熊君喬碑 建安二十一年名喬

後漢執金吾武榮碑

魏碑十一

魏武帝受禪壇記 延康元年

魏立魯孔子廟碑 黃初元年

魏公卿上尊號表 黃初元年

魏章陵太守呂君碑 黃初元年

魏武帝橫海將軍呂君碑 黃初元年

魏鍾繇賀捷表 建安二十四年

魏武帝太饗碑 子建撰武帝篆鐘繇書



○魏兗州刺史賈思伯碑

○魏豫州刺史賈逵碑

○魏孔宣尼廟碑

○魏華嶽碑劉玄州書

○吳碑五

○吳大帝碑

○吳征西將軍陸禕碑泰寧三年

○吳延陵季子二碑晉殷仲堪撰梁王增恕書

○吳九真太守谷府君碑鳳皇九年

○吳國山碑天冊元年

晉碑 十二

○晉議郎陳先生碑元康二年

○晉尉氏令陳君碑在長葛

○晉前將軍陸喈碑咸和七年

○晉羊祐碑

○晉裴雄碑元康九年

○晉右軍鄭烈碑太康四年

○晉南鄉太守司馬整清德頌泰始三年

○晉南鄉太守碑泰始四年

○晉南鄉太守碑陰



晉泰山君改高樓碑

晉大中大夫包府君神道碑

晉平西將軍墓銘右軍書

宋齊梁陳碑共十六

宋文帝神道碑

宋宗愨母夫人墓誌大明六年昇州

齊桐栢山金庭觀碑永元二年沈約撰倪桂書

齊海陵王昭文墓銘謝眺撰

齊鎮國大銘像碑天統三年

梁檀溪寺禪房碑天監十一年許璠書

梁茅君碑普通三年張澤書

梁開善大法師碑普通三年蕭挹書在昇州

梁招隱寺刹下銘普通三年蕭綸書

梁上元真人司命茅君九錫文碑普通三年孫文韜書

梁上清真人許長史舊館壇碑普通三年陶弘景撰并書有碑陰

梁瘞鶴銘普通四年陶弘景書在潤州焦山

梁改墮淚碑劉靈正書

梁智藏法師碑普通三年蕭綸撰蕭挹書

梁貞白先生陶弘景碑普通中蕭綸撰在茅山

陳張慧湛墓誌銘貞觀二十三年



後魏齊周碑五

○後魏孝文帝弔比干墓刻

○後魏孝文帝北巡碑太和二年

○後魏定鼎銘景明三年在懷州

○後魏石門銘碑正始元年

○後魏神龜造碑像記正光元年

○後魏孔宣尼廟碑興和三年

○後魏宣武帝御射碑景明三年沈馥書有碑陰

○後魏車騎將軍穆祚碑

○後魏大代修華嶽廟碑興光二年

○後魏九級塔像記天保三年

○後魏庾戍造教戒經幢記裴思順造

○東魏大覺寺碑天平四年韓毅書有碑陰

○東魏任城王造浮圖記武定四年

○東魏造石像記武定七年

○東魏康王妃郭氏碑

○北齊常山義七級碑天保九年

○北齊關亮造像記河清元年北丘道常書

○北齊石浮圖記河清二年

○北齊蒙山碑天統五年王思誠八分書



○北齊天柱山銘天統二年

○後周黃羅刹碑無書名在滑州胙城

○後周華嶽廟碑元和二年萬安于

○後周河瀆碑撰趙文淵書

○後周大像碑撰趙文淵書

○後周太宗伯唐景碑歐陽詢書

隋碑三十

○隋興福寺碑開皇二年

○隋老子廟碑開皇二年

○隋尔朱敞碑開皇五年

○隋鄂國公勸造龍藏碑開皇六年

○隋龍藏寺碑開皇六年

○隋興國寺碑開皇六年

○隋太平寺碑開皇九年

○隋廣業郡守鄭君碑開皇九年

○隋李康清德頌開皇十一年

○隋姑蘇上方寺舍利塔銘魏瑗書

○隋梁洋建塔表德政碑開皇十一年

○隋益州至真觀碑開皇十二年

○隋韓擒虎碑開皇十五年



○隋衛尉卿竇慶墓誌貞觀四年

○隋陳茂碑開皇十八年

○隋蒙州普光寺碑仁壽元年

○隋丁道護啓法寺碑仁壽二年

○隋浙州南鄉縣塔記仁壽四年

○隋禹廟碑大業二年 史陵書

○隋灤州使君江夏徐公碑大業二年 郝王威撰

○隋汎愛寺碑大業五年

○隋鉗耳君文徹清德頌耳君華陰朝邑 大業六年

○隋廬山西林道場碑大業十三年

○隋景陽井銘在江寧府

○隋高陰郡陰聖道場碑虞世南撰 在台州

○隋修禪道場碑徐放書 在台州

○隋姚辨誌歐陽詢書 在京兆

○隋姚察夫人蕭氏誌在京兆

○隋司徒觀德王楊雄碑在華陰

○隋郎茂碑李百藥撰張師立書 在鎮府

唐碑一百九十七

○唐鄭文貞公魏徵碑唐太宗撰并書 在醴泉

○唐楚哀王雅詮碑歐陽詢撰并書 在京兆



唐大將軍李思訓碑族子邕撰并書在蒲城

唐崔浮碑白居易撰

唐豫州刺史魏叔瑜碑張說撰魏華書在京兆

唐萬年縣令徐昕碑韓擇木八分在緱氏

唐大理寺卿郎頴碑貞觀五年李百藥撰宋才書在鎮府

唐鳳翔孫志直碑韓擇木八分在京兆

唐涼國李抱玉碑顏真卿書在長安

唐建殷義士伯夷叔齊碑梁昇卿隸

唐陳文叔碑劉秦書在京兆

唐東京留守李愷碑沈傳師書在西京伊闕

唐右僕射温彥博碑貞觀十一年歐陽詢書

唐崔慎碑慎孫崔璿八分

唐右丞相宋璟碑顏真卿書在荊州沙河驛

唐玄素神道碑子義愔撰并書

唐容州總管元結碑顏真卿書在汝州魯山

唐黃君漢碑書名未詳在胙城

唐崔守誠碑玄度八分在長安

唐太子右庶子韋維碑郭謙光八分在京兆

唐趙道光碑齊抗書在緱氏

唐程知節碑楊整書在醴泉



唐崔敦禮碑 于立正書 在醴泉

唐雲麾將軍李秀碑 李邕書

唐烏承玘碑 胡証八分 在華陰

唐太丘長陳君祖德碑 孫膺書 在長葛

唐贈大尉烏重胤碑 竇易直書 在華陰

唐皇甫忠碑 貞觀十四年李儼撰

唐左羽林將軍臧懷亮碑 李邕撰并書 在耀州三原

唐裴乾正碑 馬署撰并書

唐平南蠻碑 韋悟微書

唐武登碑 子儒衡撰并書 在緱氏

唐竇希城碑 魏華書 在咸陽

唐紫陽先生碑 柳公綽書

唐臧希沈碑 韓擇木八分 在三原

唐顧少連碑 張弘靖書 在偃師

唐歐陽進碑 顏真卿撰并書 在鄭州榮澤

唐姚懿碑 徐嶠之書 在陝石

唐裴守真碑 梁昇卿八分 在絳州

唐楊元琰碑 梁昇卿八分

唐楊仲昌碑 韓擇木八分書 在閔鄉

唐殷踐猷碑 顏真卿撰并書 在西安新安



唐郭揆碑顏真卿撰并書

唐錢塘尹顏君神道碑姪真卿撰并書

唐顏君杲卿碑盧左元書

唐鮮于仲通碑顏真卿撰并書

唐孔穎達碑貞觀二十二年于志寧撰

唐臧渾碑張弘靖書

唐太子中書舍人楊承源碑景龍二年王獻忠撰集義之歐陽詢褚遂

良等真行書在咸陽

唐成克構碑馬幹撰

唐郭英傑碑張芬書在武功

唐梁思楚碑開元十五年衛秀撰義之書

唐高士廉瑩兆碑許敬宗撰趙模書

唐臧懷恪神道碑顏真卿撰并書

唐韋斌神道碑王維撰猶允書

唐李光弼碑張少師書

唐韋綬碑于敖書

唐衛國公李靖碑顯慶三年許敬宗撰王知敬書

唐王守真碑崔濤書

唐程文英碑張廷珪八分在龍門

唐顧望碑崑登撰并書



○唐梁待賓碑揚網撰

○唐左僕射平章事王播碑柳公權書

○唐王超碑柳公權書

○唐段寬碑蕭正書

○唐工部尚書段文振碑歐陽詢書

○唐崔弘禮碑璿璵書

○唐耿府君碑蕭誠書

○唐崔禎碑柳公權書

○唐魏暮碑柳公權書

○唐韋正貫碑柳公權書

○唐李說碑柳公權書

○唐王智興碑柳公權書

○唐高元裕碑柳公權書

○唐李晟碑柳公權書

○唐羅讓碑柳公權書

○唐韋元素碑柳公權書

○唐崔從碑柳公權書

○唐崔陞碑劉禹錫撰柳公權書

○唐薛萼碑柳公權書

○唐薛平碑柳公權書



唐符璘碑柳公權書

唐中書侍郎平章事杜鴻漸碑王緝書

唐吳廣碑總章二年

唐宋公碑史惟則書

唐彭王傅徐浩碑次子峴書

唐魚朝恩書碑吳通微書

唐臧希讓碑張璋八分

唐徐王元禮碑成亨三年崔行功撰趙仙客書

唐韋守宗碑溫建書

唐李衆碑裴潏書

唐建河東三鳳碑殷仲容八分

唐樂彥瑋碑劉禕撰

唐岷州司馬梁思楚碑上元元年衛秀書在汾州平途

唐崔群碑劉禹錫書

唐裴曹碑趙博玄書

唐董審碑王丕書

唐薛順碑齊推書

唐伍方翼碑陸堅八分

唐元待聘碑韓秀弼八分

唐趙元禮碑陸堅八分



○唐竇叔向碑羊士諤撰姪易書在偃師

○唐白居易碑白敏中書

○唐許康佐碑師在偃

○唐崔邺碑李則書在偃師

○唐趙昌碑歸登八分在偃師

○唐乙速孤神道碑載初元年

○唐周封中嶽碑薛登封元年薛稷書

○唐洛陽令鄭敞碑久視元年薛稷撰并書在西京

○唐英國公李勣碑唐高宗製并書在醴泉

○唐燕府君碑李儼撰在霍邑

○唐李逢吉碑歸融書

○唐鄜國長公主碑唐明皇八分在蒲城

○唐金仙長公主碑唐明皇書在蒲城

○唐顏永南碑弟真卿撰并書在萬年

○唐正順皇后武氏碑唐明皇製并八分

○唐王神府碑殷仲容八分在三原

○唐李齊物碑韓秀弼八分

○唐李栢碑陽常灌撰鄧昉盧浩書在萬安

○唐有道先生葉公碑開元五年李邕撰并書

○唐梁國公太夫人郁文閔氏碑歐陽詢撰并八分



○唐周昌公主碑柳公權撰并書在大中

○唐高公主碑蘇銳八分

○唐宇文審碑韓擇木八分

○唐隴右節度使郭知運碑開元十年蘇頌撰并書在京兆武功

○唐葉惠明碑韓擇木八分

○唐樊澤碑韓登八分

○唐鄭伸碑裴潏書

○唐母州刺史元長壽碑大業七年歐陽詢書

○唐姚崇碑唐玄宗書

○唐鄭叔清碑韓秀弼八分

○唐裴行儉碑族孫權書

○唐楊珣碑唐玄宗製并八分

○唐裴光庭碑開元二十四年張九齡撰唐玄宗書在聞喜

○唐郭知運碑梁景昇八分

○唐姚公夫人鄭氏碑徐嶠之書

○唐姚樂碑徐浩書

○唐李弘澤碑魏謩書

○唐陳商碑李帖孫撰并書

○唐嘉正碑開元二十六年李邕撰蔡有鄰書

○唐馬炫碑韓秀榮八分



○唐元秀方碑褚齊正書

○唐來曜碑韓擇木八分在邠州

○唐裴大智碑開元二十九年李邕撰蕭誠書在濟源

○唐顏元孫碑姪真卿撰并書在西京鳴店

○唐贈太尉段秀實碑唐德宗製皇太子誦書在京兆

○唐薛仁貴碑天寶二年名禮字仁貴河東汾陰人

○唐李固言碑從姪傳書在緱氏

○唐張柬之碑瞿令問八分在襄州

○唐裴曠改葬碑韓秀弼八分

○唐徐嶠之碑季皓書在偃師

○唐蕭灌碑梁年卿八分在萬年

○唐楊玄琰碑唐玄宗八分在萬年

○唐贈太保郭欽之碑蕭華書在萬年

○唐霍國公夫人王氏碑蕭昕書

○唐太子賓客呂元膺碑裴潏書

○唐李愷碑大曆四年李紆撰新唐書

○唐西平公顏舍碑大曆七年真卿書在昇州

○唐田緒碑丘絳撰揚志方書

○唐文部薛悌碑徐浩八分

○唐王師乾神道碑大曆十三年張從申書



唐贈和州刺史張敬因碑大曆十四年顏真卿撰并書在臨穎

唐夔州長史顏勤禮神道碑大曆十四年曾孫真卿撰并書在萬年

唐于夏神道碑元和中盧景亮撰

唐劍南韋臯碑唐德宗御製皇太子臣誦書

唐鴈門王田承嗣神道碑裴抗書

唐秦蜀守李公誓水碑王綸書

唐王公復陝城勲德碑章廷龜書

唐裴氏祖德碑曾孫潯撰并書在緱氏

唐鄭權碑寶曆元年

唐崔能碑長慶三年李宗閔撰弟從書

唐中書令張九齡碑長慶三年徐浩撰并書在曲江

唐田布碑長慶四年吏承宣撰

唐衛尉卿李有裕碑柳公權書在萬年

唐李藏用碑太和四年王源中撰玄度書在京兆

唐高重碑會昌四年元裕撰柳公權書

唐王質神道碑開成四年劉禹錫撰并書在永寧

唐李石神道碑會昌三年柳公權書在河陰漢祖廟內

唐康約言碑大中七年柳公權撰并書

唐臧氏糾宗碑顏真卿撰并書在三原

唐兗州刺史元巨碑



○唐獨孤延壽碑褚遂良書

○唐鄂州刺史盧府君碑李邕書

○唐平盧薛平紀績碑在淄州

○唐虞恭公碑歐陽詢書

○唐太宗伯唐瑾碑于志寧撰

○唐白敏中碑咸通三年畢誠撰

○唐兵部尚書王忠嗣碑王縉書

○唐孔府君神道碑咸通十三年鄭綱撰柳知微書

○唐贈太子太保陳府君碑太和五年蕭祐書

○唐尋陽郡司馬程玄封碑徐浩書

○唐襄州刺史封公碑宋之遜書

○唐贈比干碑許純陀書

○唐王重榮德碑中和四年歸仁澤撰唐彥謙書

○唐梁公儒碑天祐中于廣撰王說書

○唐武臨令慕容公政成碑呂向撰

○南唐交子賤碑徐鉉篆

○唐頌五十七

○唐沂州徐孝清德頌蘇葛玄暉撰

○唐鳳翔孫志直純德頌劉儒書

○唐歷城縣令劉彥恪清德頌



○唐靈寶縣令李良弼德政頌李伉撰

○唐靈寶縣令裴璠遺愛頌史惟則撰

○唐龔丘令庾賁德政頌李陽水篆

○唐襄州牧獨孤用遺愛頌蕭誠書

○唐濟源令房瑄遺愛頌徐浩書

○唐壽州刺史張鑑去思頌王端八分

○唐華陽頌天寶九年

○唐淮陰太守趙悅遺愛頌

○唐恒州刺史陶靈雲德政頌

○唐宣歙薛邕去思頌裴律八分

○唐齊州刺史薛寶積清德頌

○唐中興頌大曆六年元結撰顏真卿書在赤州廣崖石

○唐鎮國公李元亮功德頌韓秀弼八分

○唐華州楊君遺愛頌史惟則八分

○唐齊州封祥德政頌李思暉書

○唐太谷縣令安廷堅美政頌房鄰妻高氏書

○唐易州刺史田仁琬德政頌蘇靈芝書

○唐鳳翔李峴遺愛頌韓擇木八分

○唐王公復陝城勲德頌章廷龜書

○唐濟源李造遺愛頌徐浩書



○唐歷城縣令劉彥恪清德頌

○唐明州王密德政頌李冊撰顏真卿書李陽冰篆額

○唐兗州韋元珪遺愛頌張廷珪書

○唐奉先縣令李渭遺愛頌王瑀書

○唐起功之頌顯慶四年立高宗製并書在汜水縣碑陰有玄宗詩史叙書

○唐魏博節度使何進滔德政頌開成五年柳公權撰并書

○唐山南東道樊澤遺愛頌

○唐陳鄭李抱玉紀功頌史惟則書

○唐明州裴儼紀德頌乾元二年王密撰顏真卿書李陽冰篆

○唐赫連子悅清德頌

○唐陝虢皇甫溫德政頌胡證書

○唐虞城令李錫去思頌元和四年李道篆

○唐照義李抱真德政頌班宏書

○唐魯郡太守張孟龍德政頌

○唐渭南令李思古清德頌

○唐邠寧高霞寓德政頌王良容書

○唐前夏縣令劉晏德政頌

○唐東陽令庫狄履溫遺愛頌蕭誠書

○唐偃師令崔府君清德頌崔融撰

○唐前唐州刺史李適之德政頌蕭誠書



○唐同州刺史崔琮遺愛頌書 聿從

○唐魏博田緒遺愛頌張清和書

○唐義成李聽德政頌

○唐激州高承簡德政頌裴潏書

○唐豫州狄梁公感德頌党復書

○唐館陶令徐殼遺愛頌朱瑗八分

○唐夏縣宰捐德政頌張休書

○唐西河太守劉寧德政頌鄔彤書

○唐薛僅善政頌崔黃中書

○唐劍南節度使李叔明冠冕頌趙滔書 在興政

○唐鮮于民里門頌韓秀實八分 在閬州新政

○唐上黨舊宮述聖頌王綸書

○唐安公美政頌房鄰妻高氏書

○唐鵲鵠頌唐明皇書

唐碣六

○唐孝子張常洵旌表碣貞觀五年

○唐樗里子墓碣張誼書 在正元

○唐道州刺史楊公舊隱碣元和中胡證撰 黎嶂書 李靈省篆

○唐孝子尹仁恕旌表碣萬歲通天二年

○唐五殺大夫碣鄭璉書 在鄧州



○唐元魯山墓碣顏真卿書

○唐銘七

○唐司空竇抗墓誌銘武德五年歐陽詢書

○唐郭知運銘開元十年蘇頌撰

○唐魏載墓誌銘垂拱三年

○唐元次山銘開元三年顏真卿撰并書

○唐令狐文軌像銘薛純陀書

○唐杜濟墓誌銘大曆十三年顏真卿撰并書在東京兆

○唐重修吳季子墓誌銘大曆十四年張從申書

唐誌十九

○唐殿中侍御史韋翊墓誌裴休書

○唐溫彥博墓誌歐陽詢書在東京范雍家

○唐太尉王播墓誌柳公權書在耀州

○唐陸公榮陽縣君墓誌歐陽詹撰并書在東京兆

○唐光化縣主墓誌書人未詳在東京兆

○唐李祐墓誌王無悔八分

○唐韋文偉墓誌柳公權書

○唐柳尊師墓誌兄公權書

○唐董淑妻岑夫人墓誌在吉州

○唐戴希謙墓誌子愕八分在東京兆



○唐中允華府君墓誌

○唐鄧元政墓誌毛伯政書

○唐郭揆墓誌顏真卿書在雍家

○唐周法明墓誌武德中在黃州

○唐韋器墓誌吳通微書在雍家

○唐沈傳師墓誌在萬年

○唐高匡墓誌在洛州末年

○唐張德墓誌在洛州末年

○唐左將軍馬寔墓誌貞觀十四年歐陽詹撰并書

唐記 十三

○唐三龕記貞觀十三年李文本撰褚遂良書

○唐豫章冠蓋盛集記郭圓書

○唐鄆州復縣記張球書

○唐樗里子墓記鄭公誼書

○唐孝敬皇后獻德記唐高宗撰并飛白篆額

○唐陽武復縣記貞元九年

○唐太尉遺愛碑陰記元和六年石洪撰徐浩書

○唐魏郡太守苗晉卿歸鄉記胡霽然八分

○唐太宗御製帝京篇貞觀十六年岑文本撰褚遂良書

○唐宇文顥山陰書述史惟則八分



○唐顏惟正并商夫人贈誥子真卿書

○唐刑部尚書太子賓客魏國公述先誥劉昇八分

○唐開元良吏記陳秦書在宣州

唐佛家碑一百

○唐辨正法師碑顯慶三年李儼撰薛純陀書

○唐智樂寺碑咸亨四年唐鄭惠王撰惠王乃高祖第十三子也

○唐九門縣西浮屠碑上元三年董行思撰得節書

○唐道因法師碑歐陽通書在京兆

○唐等慈寺碑貞觀二年顏師古撰在鄭州汜水

○唐大覺禪師國一碑歸登書在杭州臨安

○唐大達禪端甫碑柳公權書在京兆

○唐大照和南普寂碑李邕書在西京

○唐德州長壽寺舍利碑武德六年

○唐玄儼律師碑徐浩書在趙州

○唐大證禪師曇碑徐浩書在嵩山

○唐幽州昭仁寺碑貞觀二年朱子奢撰

○唐三藏和尚不空碑徐浩書在京兆

○唐西嶽大洞張尊師碑開元十四年王延齡撰李慈書

○唐楚金禪師碑吳通微書在京兆

○唐大戒德律師智丹碑韓擇木八分在京兆



○唐孟法師碑

貞觀十三年岑文本撰褚遂良書法師名素靜江夏安陸人也

○唐李邕嵩嶽寺碑

開元十七年

○唐懷素律師碑

僧行敦撰王羲之書在京兆

○唐大覺禪師法欽碑

蕭起書在京兆

○唐乘廣禪師碑

劉禹錫書在袁州

○唐開元聖像碑

天寶元年陳知溫書

○唐大智禪師義福碑

史惟則八分在京兆

○唐華嚴寺法順大師碑

許康佐書在長安

○唐般舟和尚碑

元和三年柳宗元撰并書

○唐南岳彌陀和尚碑

元和五年柳宗元撰并書

○唐涅槃和尚碑

柳公權書在洪州

○唐實稱大師碑

陳去疾書在廬州

○唐廣德禪師碑

徐浩書在西京登封

○唐山谷寺璨大師碑

徐浩八分

○唐百巖大師懷暉碑

權德輿撰鄭餘慶書歸登篆額在長安

○唐大智禪師碑

胡霈然撰集義之書

○唐道安禪師碑

宋儋書

○唐大興國寺舍利塔碑

越王貞撰集義之書

○唐左溪大禪碑

毛如補書

○唐明禪師碑

天寶十年鄭昞之撰徐浩書在嵩山



○唐乘真禪師靈塔碑胡需然書

○唐大惠禪師玄侶碑顏魯公書

○唐圓通大師碑張文祐書

○唐元畏三藏碑沙門減知篆

○唐大律故懷道閣梨碑李邕書

○唐珍畏和尚旌德碑沙門溫雅書

○唐惠郎和尚碑徐嶠之書

○唐延作寺禪門大德無積碑盧間求書

○唐鏡空和尚碑陸郢書

○唐同光禪師碑靈迅書

○唐玄覺律師碑褚庭誨書

○唐珪禪師碑宋儋書

○唐信行禪師興教碑薛稷書

○唐定惠禪師傳法碑裴休書

○唐僧道源發願碑王承視書

○唐陳州天雲寺講堂碑

○唐大雲禪院碑李邕撰并書

○唐秦望山法華寺碑李邕撰

○唐東林寺碑李邕書

○唐陳州龍興寺碑盧藏用



唐嵩嶽寺碑開元二十七年胡英書

唐泗州臨淮普光王寺主碑柳公權書

唐龍門石龕像碑袁元哲書

唐佛龕碑褚遂良書 在龍門

唐多寶塔感應碑顏真卿書 在京兆

唐二聖金剛神碑瞿叅 八分

唐襄州延慶院經藏碑裴光遠 八分

唐杭州龍興寺碑李涉 八分

唐赤城山中嚴寺碑

唐鳳翔尹李晟為國修寺碑王播書

唐述真法師行業碑洪元慎書

唐千佛寶塔碑毛伯正篆 在京兆

唐復東林寺碑大中十一年崔黯撰 柳公權書

唐嘉興縣寶花寺碑于頔書

唐襄州通學寺禪院碑鍾紹京書

唐奉光寺塔院碑徐峴書 在西京

唐建福寺三門碑盧藏用撰 集義之書

唐呂州普濟寺碑

唐正解寺造神佛龕像碑在定州

唐澄城縣阿那寺碑僧開 祕書



○唐靜禪法師方墳碑鍾紹京書

○唐天台佛隴禪林寺碑徐放書

○唐伏馱神師舍利塔碑張廷珪分

○唐淄州開元寺碑李邕撰

○唐大福禪寺浮屠碑武則天製武三思書在西京

○唐陳孝義寺碑徐嶠之書

○唐大用釋迦牟尼佛碑金元吉書

○唐王摩詰畫壁碑陳傑書在蘇州雍熙寺

○唐越州龍泉寺碑董彛書

○唐大唐花寺碑在和州含山

○唐造釋迦石像碑關操書

○唐安樂公于鑑像碑神龍二年

○唐荷澤興化感異靈迹碑邵宗厚書

○唐敕重置七祖塔寺碑邵宗厚書

○唐龍興寺四絕碑大曆八年李華撰張從申書李陽冰篆法真師書額

○唐洪福寺彌勒像碑韓滉書

○唐靈仙寺碑

○唐處士許奭樹經藏

○唐惠義寺碑

○唐圭峯禪師碑大中九年裴休撰并書



○唐永泰寺碑

○唐天童山景德寺碑范的書

○唐會隆寺舍利碑

○唐新州安昌寺碑乾寧年周庚撰今  
狐溪書温述篆

唐佛銘三十

○唐大照禪師塔銘天寶元年盧僎  
撰史維則書

○唐懷素律師塔銘孫弟子  
元昇書

○唐忍辱禪師塔銘楊整書  
在京兆

○唐太白禪塔銘范的書  
在明州

○唐大覺禪師塔銘王侁書  
在杭州

○唐智遠禪師塔銘陳懷書  
在長安

○唐百巖大師銘權德輿撰鄭餘慶  
書歸登篆在長安

○唐東林寺臨壇天德塔銘弟子雲  
皐書

○唐玄隱禪師塔銘天寶十一年徐浩  
撰并書在嵩山

○唐道安和尚舍利塔銘

○唐大智禪師塔銘吳承嗣書  
在嵩山

○唐元畏墓誌銘

○唐瑤畏塔銘

○唐大德利正法師墓誌銘

○唐大辨禪師塔銘



唐大德禪師元祕塔銘張乾護書

唐溫禪師塔銘王文秉書

唐悟真大師塔銘歸稱書

唐法玩禪師塔銘

唐靈迅禪師塔銘

唐淨飛禪師塔銘

唐法王寺大德惠演塔銘

唐會善寺安和尚塔銘

唐利涉法師塔銘唐玄宗書

唐大聖舍利寶塔銘吳通微書在鳳翔

唐僧邕禪師舍利塔銘歐陽詢書在西京范雍家

唐千福寺多寶塔銘劉秦書

唐無憂王寺大聖真身塔銘王璠書在鳳翔

唐河內寧照寺鐘銘武盡禮書

唐岐州法門寺舍利塔銘賀蘭敏之撰并書

唐萬年寺鐘銘魏大空書

唐阿育王寺舍利塔銘張行博書

唐佛記二十七

唐大智禪師碑陰記史惟則八分書

唐律藏院戒壇記顏魯公書在撫州



唐修封禪壇記賈膺福

唐般苦臺記李陽冰篆

唐萬回大師神迹記開元二十五年徐彥伯撰史惟則八分在京兆

唐司馬山彌勒佛石像記晉城

唐盧舍那珉像記蔡有鄰八分在定州

唐東平王寫真院記相國寺在東京

唐清泉寺大藏經記韓梓村書在慈谿

唐建塼浮屠記許靜金隸

唐啓大聖塔真身記

唐頭陀寺記陸東之書

唐長生田記

唐顏顥題記

唐開元寺講堂記盧中敏書在陳州

唐龍牙禪院記

唐修香山寺記白居易撰并書

唐天竺寺新鐘及樓記釋戒成書

唐少林寺石像記天寶八年

唐會善戒壇記

唐永泰寺修古塔記

唐張法壽造石像記



唐宣公律院記

唐三世頌文神龍二年

唐塔陰文唐玄度撰 在京兆

唐龍興寺七祖堂頌胡霈然書

唐傳菩薩戒頌

唐道家碑三十

唐至德觀孟法師碑貞觀十六年岑文本撰 褚遂良書

唐玄靜先生碑大曆七年柳識撰 張從申書 李陽冰篆 在茅山

唐玄靜先生李含光碑顏真卿書 在茅山

唐昇玄先生劉從政碑柳公權書 在京兆

唐華陽觀王執先生碑王玄宗書 在茅山

唐太平觀主王知遠碑徐碩祭書 在茅山

唐宗聖觀主尹文操碑員半千撰 在鳳翔

唐雲臺觀主張敬忠碑郭漸書 在華山

唐昇真先生王知遠碑齊懷壽書 在華山

唐興唐觀主郭先生碑徐浩書

唐桃源觀三洞閣宋君碑董佺書

唐中嶽劉真人碑盧洪八分

唐中嶽潘尊師碑王適撰 并書

唐韓覃尊師碑司馬緬書



○唐天台桐栢觀碑韓擇木

○唐龍興宮碧落碑咸亨元年 陳惟玉書

○唐太清宮鐘碑柳公權書 在京兆

○唐王陰二君影堂碑儲伯陽書

○唐崱山觀碑

○唐茅山三洞景照法師韋公碑寶泉書

○唐宗勝觀碑歐陽詢書 在鳳翔

○唐高嶽真君碑蕭誠書

○唐修桐栢觀碑太和四年元 積撰并書

○唐茅山崇元觀碑楊幽徑撰并書

○唐龍角山慶書觀紀聖碑唐明皇八分 在晉州神山

○唐亳州老子聖母碑呂獻可書

○唐崇元觀聖祖院碑徐挺古八分

○唐陽翟縣潁陽觀碑史惟則八分

○唐天寶觀碑鮮于仲通撰

○唐益州大千秋觀碑晉師書

○唐西嶽真君觀碑韋聖書

○南唐義興縣興道觀北極殿碑徐錯隸 徐鉉篆

道家銘頌記

○唐真源觀鐘銘唐玄宗八分 在太清宮



○唐太和先生王玄宗授銘茅書

○唐曲阿縣齊鄉觀鐘銘殷度書

○唐紫極宮鐘銘沙門少紀書

○南唐紫極宮石磬銘徐錯撰并篆

○唐太清宮鐘銘柳公權書

○唐修降誕金錄齋頌衛包書

○唐慶堂觀金錄齋頌天寶九年衛包撰史惟則八分

○唐索法師精行清德頌范希璧書在京兆

○唐嵩陽觀紀聖德感應頌徐浩八分

○唐紫極宮述道德頌韓滉書

○唐上黨啓聖宮頌唐玄宗八分

○唐太清宮靈溪地頌李芝芳撰

○唐修三元黃籙壇碑頌楊江書在汾江

○唐紫極宮玉真宮主修功德頌吳郁書

○唐麻姑仙壇記顏魯公書在建昌

○唐平公修紫氣極宮記賈島書在晉州

○唐天柱山天柱觀記大曆五年吳筠撰并書

○唐壽州紫極宮記王維真書

○唐三茅下泊宮記盧士年書

○唐桃源新修壇記甘從福書



唐太清宮齋醮記

唐啓聖宮石臺敕書

祠廟 八十

唐后土祠神廟碑 唐玄宗製并八分

唐禹廟碑 大曆三年段季展書

唐崔郡先廟碑 劉覺夫八分在京兆

唐贈太保郭敬之廟碑 顏真卿書在京兆

唐贈太保顏惟正廟碑 子真卿撰并書在京兆

唐涇原馬璘廟碑 顏真卿書在京兆

唐黃陵廟碑 長慶元年韓愈撰沈師書在潭州湘陰

唐柳州羅池廟碑 長慶三年韓愈撰沈師書

唐魏摹先廟碑 柳公權書在京兆

唐田弘正家廟碑 元和八年韓愈撰胡證八分在京兆

唐泰山君改高樓碑

唐張仙師靈廟碑 李承書在陵州

唐楊瑒廟碑 王曾八分在京兆

唐李晟先廟碑 韓秀弼八分在京兆

唐馬璩新廟碑 于紹書在京兆

唐相國于頔先廟碑 崑登八分在京兆

唐令狐楚先廟碑 劉禹錫書



○唐封文宣王祠碑唐玄宗製

○唐魯孔子廟碑張廷珪

○唐漢黃丞相新廟碑張從申書

○唐江陵君呂誾祠廟碑上元二年元結撰顏戎沓書

○唐岱嶽天齊王靈應碑萬賓書

○唐南海神廟碑元和十五年韓愈撰陳諫書

○唐攝山明徵君碑高正臣書

○唐魏文侯廟碑田琦撰

○唐重立徐偃王碑姚崇撰

○唐河東鹽池靈慶公神碑韋縱書

○唐要柵湫神祠碑房晉撰

○唐西嶽神廟碑趙文深撰

○唐汾陽王廟碑貞元二年高參撰僧開秘書

○唐處州文宣王廟碑任迪書

○唐中嶽嵩山靈廟碑大二年安

○唐蜀國公尉遲迥廟碑蔡有鄰撰

○唐沐澗魏夫人廟碑僧從謙書

○唐鄧州文宣王廟碑顏頴書

○唐西楚伯王碑賀蘭瑊書

○唐許州文宣王廟碑盧匡書



○唐河瀆靈源公祠碑趙復書

○唐漢淮瀆廟碑釋曠書

○唐修北嶽廟碑

○唐封廣順王廟碑李承祐書

○唐夏禹廟碑魏庚書 在陽 翟

○唐汝州廣成子廟碑孫權書

○唐修中嶽廟碑李芳書 郁

○唐葉君廟碑趙曾書

○唐王仙君廟碑在延昌

○唐汾州創置城隍廟碑李匡業書

○唐梁國公狄仁傑生祠記張廷珪八分

○唐孔子廟堂記虞世南書 在京兆

○唐城隍廟記乾元二年李陽冰撰并書 在處州

○唐張將軍魯君新廟碑龍紀元年李巨川撰 唐彥謙書

○唐修文宣王廟記鄭彥藻八分 在黃州

○唐改修季子廟記張從申書

○唐重修繁城廟記

○唐新修魏文侯廟記

○唐修伏犧廟記趙毅書 在陳州

○唐修敬亭府君廟宇記劉重約書



唐召伯祠堂記房次卿書

唐李聽修堯祠記白敏中撰

唐舞陽侯樊君祠堂記天寶二年唐王利器撰

唐礪溪廟記成通二年張翔撰高駢書

唐縉雲縣令修文宣王廟記上元二年李陽水撰并書

唐益州學館廟堂記顏真卿書

唐修劉昇廟記劉權書

唐王仙公廟記高重明書

唐春申君廟記史惟則撰

唐諸葛武侯祠堂記柳公權書

唐牛龍堂記郭延禧書

唐雙廟記杜勸書

唐慶州刺史曹慶福修廟記裴潏書

唐修廟記杜勸書

唐修張中丞等廟記趙日安書

唐修文漢廟記黃執中書

唐淮安王趙公祠堂記魏承書

唐復禹袞冕并修廟記馬禎書

唐修淮陽太守李公廟記慕容容書

唐修龍池張公廟記趙耕撰



墨池編卷之十七  
四三  
元利  
唐天柱山司命真君廟記揚琬書

○唐鹽宗神祠新記大曆中錢義方撰盛濟八分

○唐河中薛正夏縣修家廟記

○唐啓母廟記沮渠智書

○唐少煬記沮渠智書

○唐項王碑陰述顏真卿書在湖州

○唐馬先生廟錄崔植撰在虞城

○唐陳隱王祠碣文衛憑撰又洛神志在同

○唐蘄州刺史杜敏生祠頌史惟則八分

墨池編卷之十七



